

尼山 龜山 蒙山 鳧山 嶧山 羽山



欽定古今圖書集成

方輿彙編
山川典

欽定古今圖書集成方輿彙編山川典

第二十五卷目錄

尼山部彙考

圖考

尼山部藝文一

尼山贊

重修尼山書院記

尼山記



元湘王

虞集

明畢瑜

尼山部藝文二 詩

謁尼山

宋陳國瑞

前題

明李東陽

前題

喬宇

尼山高贈孔公伯

許彬

尼山部紀事

尼山部雜錄

龜山部彙考

圖

考

龜山部藝文 詩

龜山操

周孔子

遊龜山

明張祚

龜山部紀事

蒙山部彙考

圖

考

蒙山部藝文一

東蒙山賦

明公鼎

蒙山辨

前人

蒙山部藝文二 詩

遊蒙山作

唐蕭穎士

望蒙山吟有寄

明公鼎

蒙山仙洞

李炯然

雨中望蒙山有感

李夢龍

竹下獨酌望蒙山有懷

董仲言

蒙山疊翠

公躋奎

前題

杜洽

雨後登蒙山

李廷厚

蒙山

公一揚

蒙山部紀事

蒙山部雜錄

蒙山部外編

山川典第二十五卷

尼山部彙考

曲阜之尼丘


尼山一名尼丘山在今山東兗州府曲阜縣東南五
十里卽顏母所禱而生孔子者也其山五峰聯峙謂
之五老峰中峰之麓爲宣聖廟廟東爲中和壑沂水
出焉下流爲智源溪溪南流上爲坤靈洞洞三門廟
西爲尼山神祠宋仁宗以至聖誕生之地封山爲毓
聖侯

曲阜縣



尼山圖

顏母山



考

按水經泗水西南逕魯縣北注泗水自城北南逕魯城西南合沂水沂水出魯城東南尼丘山西北山即顏母所祈而生孔子者也山東一十里有顏母廟山南數里孔子父葬處禮所謂防墓崩者也平地發泉流逕魯縣故城南

按魏書地形志魯郡魯

註

有尼丘山

按明一統志兗州府尼山在曲阜縣城東南五十里連泗水鄒縣界一名尼丘山昔叔梁紇與顏氏祈於

此山而生孔子今其麓有宣聖廟西南有觀川亭遺址亭東有坤靈洞元時嘗有人持火曳紐而入比三四丈忽隙間有光覩一室口廣兩楹許中橫石牀石枕皆天成元周伯琦詩五峯鴈列岡巒秀一洞龍蟠氣象雄河潤周知流澤遠頂圩猶見肖形同

按山東通志山川尼山在兗州府曲阜縣東南五十里一名尼丘山孔子應禱所生之地

按兗州府志山川尼山在曲阜縣東南六十里其左泗水其南鄒即顏母所祈而生孔子處也祖庭廣記

古今圖書集成
曰顏氏禱於尼丘升之谷草木之葉皆上起降之谷
草木之葉皆下降其山五峯連峙謂之五老峯中峯
之麓爲宣聖廟廟東爲中和壑沂水出焉水經注曰
沂水出魯城東南尼丘山西北是也流而下注爲智
源溪溪流而南其上爲坤靈洞洞有三門中爲一室
廣可兩楹有石牀石几皆天成也元時鄒尹司居敬
刻孔子石像於中其後爲兵所損子孫奉之葬於山
巔宋仁宗皇祐二年以孔子誕生之地封尼山爲毓
聖侯

按曲阜縣志山川尼山在縣東南六十里啓聖王與
夫人顏氏禱於此山而生孔子山之麓建夫子廟東
有坤靈洞觀川亭西有五老峰智源溪南有文德林
魯源村北有中和壑升仙橋五峯翠嶺八景羅列萃
天地之精英鍾山川之和氣其脈起泰嶽而抵太行
真古今之勝槩也

按鄒縣志山川尼山在縣東北六十里卽顏母所禱
處也其東有顏母山其西有昌平山山脉皆自泰山
來其外衆山連絡環拱不可勝數若尼山之翼云

龜山部彙考

魯頌之龜山

龜山與蒙山相連在今泗水縣之東北費縣之西北
蒙陰縣之南嶧縣之北新泰縣之西南其形如龜故
名

新泰縣

龜山




古嶺城

貴縣

嶧縣

圖

蒙陰縣



泗水縣

考

按詩經魯頌閟宮奄有龜蒙遂荒大東朱註龜山名魯

之所有大盧陵羅氏曰郡國志泰山郡博縣有龜山

孔氏曰春秋齊人來歸鄆謹龜陰之田謂龜山之北

田也曹氏曰龜則鄒之龜山

按春秋定公十年齊人來歸鄆謹龜陰田杜註三邑皆

汶陽田也泰山博縣北有龜山陰田在其北也疏龜

山名也山北曰陰田在龜山北其邑卽以龜陰爲名

按後漢書郡國志泰山郡博有龜山杜預曰田在

山北琴操孔子作龜山之操

按魏書地形志泰山郡梁父註有龜山

按水經汶水屈從縣西南流註其水自谿而東濬波

注壑東南流逕龜陰之龜田山在博縣北一十五里

昔夫子傷政道之陵遲故望山而懷操故琴操有龜

山操焉山北卽龜陰之田也春秋定公十年齊人來

歸龜陰之田是也

按隋書地理志魯郡梁父註有龜山

按詩地理攷魯頌龜蒙郡國志泰山博縣有龜山在

古今圖書集成
今襲慶府奉符縣水經注在博縣北十五里郡縣志
在兗州泗水縣東北七十五里孔子有龜山操

按明一統志山東山川龜山在兗州府泗水縣東北
五十里今屬泰安州

按圖書編山東山攷龜蒙山魯頌闕宮曰奄有龜蒙
遂荒大東傳曰龜蒙魯國二山也龜山近魯在今費
縣西北七十里後人指爲蒙山者山頂宛如龜形名
不虛得夫子龜山操曰余欲望魯兮龜山蔽之韓退
之擬曰龜之大兮祇以奄魯則龜爲魯之大山明矣

蒙山在龜山東二山聯屬長八十里禹貢之蒙羽論
語之東蒙正蒙山也先王封顓臾爲附庸之君使主
蒙山祭山在東故曰東蒙後人疑於東蒙之說遂以
龜山當蒙山蒙爲東蒙而隱沒龜山之本名夫魯人
頌其本國之山川辭必審矣故今定蒙山爲龜山東
蒙爲蒙山以復古焉

龜山下有古顓臾城山前玉虛宮唐仙人賈神翁所
建有英烈昭濟惠民王祠卽顓臾也山西南十餘里
有漏澤澤有五穴春夏積水秋冬漏竭將漏之時有

聲居人就穴取魚遂種麥比水至麥已收矣

按山東通志山川龜山在兗州府泗水縣東北五十里與蒙山相連故魯之北界也詩奄有龜蒙孔子去魯作龜山操云吾欲望魯兮龜山蔽之龜山之東北汶水出焉所謂汶陽龜陰之田矣其北為蒙陰其南為費

按兗州府志山川龜山在泗水縣東北五十里詩經魯頌龜蒙孔子作龜山操即此

按泗水縣志山川龜山在縣東北五十里峰巒聳翠

如龜狀通志以屬新泰縣本縣東村亦有龜山恐未是

按費縣志山川龜山距縣西北六十里山有七十二峯龜蒙頂其最勝處

按蒙陰縣志山川龜山在城南五十里孔子登東山小魯處其碑尚存山有顓臾城有玉虛宮唐仙人賈翁所建孔子小魯處石刻在龜山之巔

按嶧縣志山川龜山在縣北五十里四圍峭壁陡峻其形如龜上有一泉水旱不涸元末土人避兵處


古今圖書集成
按新泰縣志山川龜山在縣西南五十里季桓子受女樂孔子諫不從望龜山而作操卽此

蒙山部彙考

禹貢之蒙山 魯頌之蒙山 顓臾之東蒙

蒙山卽東蒙山高二十里周圍二百餘里跨青兗二郡在費縣之北蒙陰縣之南有七十二峰三十六洞龜蒙頂爲最勝其次爲白雲巖又有掛仙榭平仙頂玉皇頂諸泉水出其下流入於沂

蒙山圖



蒙陰縣

白雲巖

玉虛宮
古松



考

按書經夏書禹貢蒙羽其藝蔡傳蒙羽二山名蒙山地

志在泰山郡蒙陰縣西南今沂州費縣也大林氏曰

蒙山即論語東蒙詩奄有龜蒙王氏炎曰先蒙後羽

先高而後下也淮沂治而後蒙羽可藝事之相因也

按詩經魯頌閟宮奄有龜蒙遂荒大東朱註蒙山名魯

之所有大廬陵羅氏曰郡國志蒙陰縣有蒙山在西

南孔氏曰論語說顓臾云昔者先王以為東蒙主是

魯之境内有此山曹氏曰蒙則費之東蒙山

按漢書地理志泰山郡蒙陰註禹貢蒙山在西南有

祠顓臾國在蒙山下

按晉書地理志琅邪國蒙陰註山在西南

按魏書地形志東安郡新泰註有蒙山

按唐書地理志沂州新泰註有蒙山

按太平御覽地部東蒙山在蒙山之東故曰東蒙

按地理通釋十道山川攷蒙山在沂州費縣西北八

十里註楚老萊子所耕處

按詩地理攷魯頌龜蒙東蒙山在費縣西北七十五

古今圖書集成
里蒙山在沂州新泰縣東南八十八里寰宇記蒙山在海州懷仁縣北七十五里括地志在沂州臨朐縣唐六典注在費縣輿地記蒙陰縣故城在新泰縣東南

按明一統志山東山川蒙山在兗州府費縣西北七十里以其居魯地之東又名東山孟子所謂登東山而小魯是也

按圖書編山東山攷蒙山在龜山東二山聯屬長八十里禹貢之蒙羽論語之東蒙正蒙山也先王封顓

臯爲附庸之君使主蒙山祭山在東故曰東蒙後人疑於東蒙之說遂以龜山當蒙山蒙爲東蒙而隱沒龜山之本名夫魯人頌其本國之山川辭必審矣故今定蒙山爲龜山東蒙爲蒙山以復古焉蒙山前有陽口村有玉皇廟相傳卽老萊子之故宅也陽口亦山名

按山東通志山川蒙山在費縣西北七十里書蒙羽其藝詩奄有龜蒙卽此又以其居魯東名東山所謂東蒙也山頂有白雲巖產雲茶宋瑯琊人賀元得道

古今圖書集成
修真此山

按兗州府志山川蒙山在費縣之西北七十里西與龜山相連綿互一百三十里其北爲蒙陰其陽爲費縣頂有白雲巖采石花爲茶其味芳烈前有玉虛宮宮內有古松高數丈其陰盈畝亭如車蓋其東爲九女關西爲紫金關諸泉水皆出其下流而入於沂齊乘曰蒙山前陽口村有玉皇觀相傳老萊子故宅也陽口亦山名其北爲平仙頂

按費縣志山川蒙山在縣北以居魯東曰東蒙又曰東山綿亙百二十里其東有掛仙榭平仙頂又東有玉皇頂望海樓皆秀插雲表按蒙山舊志有七十二峰洞三十六古刹七十餘所龜蒙頂其最勝處白雲巖次之計蒙山路有四關一黃草關一白馬關一紫荆關一九女關

按青州府志山川蒙山下有楊口村有玉皇廟相傳老萊子故宅今失其趾山延袤八十餘里禹貢蒙羽其藝山頂產雲芝茶遠近珍之

按蒙陰縣志山川蒙山在城南三十里高二十里許

周圍約有三百餘里禹貢所謂蒙羽其藝卽此爲本
縣八景之一曰蒙山疊翠

欽定古今圖書集成方輿彙編山川典

第二十六卷目錄

鳧山部彙考

圖

考

鳧山部藝文一

鳧山人祖廟碑記

金田肇

鳧山部藝文二

詩

鳧山積翠

明張澤



古今圖書集成
嶧山部彙考

圖

考

嶧山部藝文一

秦嶧山刻石銘

嶧山記

明王思任

登嶧山記

文翔鳳

嶧山記

景暘

嶧山碑記

于慎行

嶧山部藝文二
詩

嶧山

元趙孟頫

前題

明吳寬

前題

傅新德

前題

徐庚

前題

賈三近

前題

錢達道

前題三首

馬敷

前題二首

潘榛

前題

李長春

前題二首

葉向高

前題

羅洪先

前題

謝肇淛

前題

林茂桂

前題

趙參魯

前題

顧汝學

前題

王士性

前題

成伯龍

嶧山歌

于慎行

乙酉九月從李宮諭再登嶧山

前人

登嶧山絕頂懷賈大卿德修

前人

與友人登嶧山

孔貞棟

登嶧山

宗頤塚

嶧山曉色

趙弼

遊嶧陽

龔勉

嶧峰仙人歌

田汝耕

嶧山歌

李化龍

嶧山

張意

前題

楊際會

前題

石九奏

前題

胡繼先

前題二首

徐應壯

前題

路日昇

白雲宮

項之耀

五華峰

李有朋

蓮花池

龍為光

聖像洞

姚鼎梅

逍遙亭

前人

彌陀庵

屈竟顯

凌高亭

劉鴻訓

嶧山部紀事

羽山部彙考

圖

考

羽山部紀事

古今圖書集成
牛山部彙考

圖

考

牛山部藝文一

登牛山記

明喬宇

牛山部藝文二
詩

牛山

明石存禮

牛山部紀事

山川典第二十六卷

鳧山部彙考

魯頌之鳧繹

鳧山以形如飛鳧故名在今鄒縣之西南魚臺縣之
東北嶧縣之西北土人或呼八卦山其大峯巔土人
呼爲玉皇頂其次峰呼牧仙山其南有呂公洞下有
東龍泉西龍泉有伏羲陵在焉陵前有廟

鳧山圖



考

按詩經魯頌閟宮保有鳧繹遂荒徐宅

朱

鳧繹二山

名魯之所有大廬陵羅氏曰地理攷異鳧山在兗州

鄒縣東南三十里

按詩地理攷魯頌鳧繹鳧山在兗州鄒縣東南三十里

按圖書編山東山攷兗州府山曰鳧山在鄒縣形如鳧飛世傳伏羲畫卦于此故土人呼爲八卦山

按山東通志山川鳧山在兗州府鄒縣西南五十里

連魚臺縣界形如鳧飛詩云保有鳧繹卽此南有呂公洞上有伏羲廟遺址土人呼其處爲八卦山齊乘云按左傳顓臾風姓伏羲之後實司太皞之祀故有廟伏羲都陳世傳畫卦於此非也

按兗州府志山川鳧山在縣東北七十里山之南有呂公洞洞有丹井其水冬溫夏涼大旱不竭其上有伏羲廟廟前雙柏可數千年物

按魚臺縣志山川鳧山在縣東北七十里雙峰聳翠狀若鳧翔故名其大峰巔寬平約四五里上建玉虛

宮名玉皇頂海岱在日一望無際殊爲大觀其次峰名牧仙山相傳有牧夫昇仙於此峰頂週遭石若斧劈峰下石劃一線隱隱天光若覆若伏深望龍湫水勢洋溢自石底流出懸崖峭壁之下綠苔碧蘚足供清賞松檜蒼鬱更協遊憩山南有呂公洞洞有丹井下有西龍泉湧自石竇爲池又南爲廟前泉澄澈無比又下爲東龍泉四時不溢不竭每旱禱雨卽應其前有伏羲廟廟中雙柏可數千年物門外亦多古樹據山水圖經嶧山之西南爲鳧山太皞之祠在焉太

皞卽太昊今土人皆呼人祖廟又以女皇合爲夫婦言天下後世之人皆所自出真野人語也

古蹟畫卦臺在鳧山山南麓有辛興里里周匝伏羲遺跡甚衆山麓半有伏羲陵東一峰鬱然者名畫卦山卽畫卦臺也前有伏羲廟甚古按河南陳州有伏羲陵畫卦臺云自蔡水得龜畫卦於此從所都也上蔡有畫卦臺云臺四周皆產著草近臺一水曰蔡溝舊有元龜縞身素甲浮游其中從龜所產也泰州有伏羲陵畫卦臺云雪後猶見卦痕從所生也今此陵

古今圖書集成
與臺不知何從想顓臾奉祀於此亦有神奇但不可考矣總之神聖遺跡恆不拘拘一處固不必窮究真僞也

陵墓伏羲陵在鳧山麓其前爲廟東有畫卦山按九域志兗單皆有伏羲陵路史又云陵在山陽魚昔屬單又屬山陽作者固指名於所屬也滕志辨之曰伏羲都陳謂於鳧山有墓非也未免拘墟之見歷考古帝巡狩外死因葬其處者甚多如禹如舜如黃帝皆非定葬都下也但伏羲世更荒遠無明徵耳然武王

克商搜立神靈之後其封顓臾不於他處而主東蒙諒是時必尚有據也今按濟寧州亦有女媧陵太昊紀曰女皇雲姓太昊之女弟也出於承匡註曰承匡山名在任城縣東南七十里女媧生處也女媧且生於此太昊何必不葬於此不然九域志與路史彼作者而豈徒哉

按鄒縣志山川鳧山在縣西南距城五十里其狀如鳧與嶧山對峙山分東西名曰雙鳧東鳧西麓有人祖廟有呂公洞洞有丹井水僅盈掬不竭不溢冬溫

夏涼雖衆飲之不盡

按嶧縣志山川鳧山在縣西北五十里又鄒縣西南亦有鳧山中間滕薛距徐稍遠恐非其地

嶧山部彙考

禹貢之嶧陽 魯頌之鳧繹

嶧山卽鄒嶧山非邳之葛嶧也山無土壤積石相連絡繹如絲故名曰嶧石洞最多玲瓏通達土人謂之嶧孔山多泉水東北風起則同時湧漲其中峰最高者曰五華峰凡四十三盤到頂計八里許秦始皇勒銘其上命曰書門山東西凡二十餘里其南爲天通巖上有妙光洞北爲牙山又有小丘山唐口山皆絡繹相銜如貫珠若山之扈從然

嶧山圖



古今圖書集成
 此圖刊天下名山勝蹟其圖本歐安其居仍以勝蹟未記其佳



古今圖書集成
 方輿彙編山川典第二十六卷嶧山部彙考之二

考

按書經夏書禹貢嶧陽孤桐蔡傳嶧山名地志云東海

郡下邳縣西有葛嶧山古文以為嶧山下邳今淮陽

軍下邳縣也陽者山南也按嶧山經史或作嶧或作繹俱仍原本

按詩經魯頌閟宮保有鳧繹遂荒徐宅朱註鳧繹二山

名魯之所有全大三山李氏曰禹貢徐州嶧陽孤桐此

繹即嶧陽也廬陵羅氏曰地理攷嶧山一名鄒山在

鄒縣南二十二里

按爾雅釋山屬者嶧註言駱驛相連屬疏言山形相

連屬駱驛然不絕者名嶧駱驛連屬不絕之辭禹貢

曰嶧陽孤桐地理志云東海下邳縣西有葛嶧山蓋

取諸此也

按史記秦始皇本紀二十八年始皇東行郡縣上鄒

嶧山註韋昭曰鄒魯縣山在其北正義曰嶧音亦國

系云邾嶧山亦名鄒山在兗州鄒縣南三十二里魯

穆公改邾作鄒其山遂從邑變山北去黃河三百餘

里

按漢書地理志魯國騶註嶧山在北

按後漢書郡國志魯國騶本邾國註城北有繹山左傳文十三年邾遷于繹郭璞曰繹山純石積構連屬按晉書地理志魯郡鄒註有繹山

按水經泗水注鄒水又逕魯國鄒山東南而西南流春秋左傳所謂嶧山也邾文公之所遷今城鄒山之陽依巖咀以墉固故邾婁之國曹姓也叔梁紇之邑也孔子生於此後乃縣之因鄒山之名以氏縣也王莽之鄒亭矣京相璠曰地理志繹山在鄒縣北繹邑之所依爲名也山東西二十里高秀獨出積石相臨

殆無土壤石間多孔穴洞達相通往往有如數間屋處其俗謂之嶧孔遭亂時避亂人入嶧外寇雖衆無所施害永嘉中太尉郗鑒將鄉曲逃此山衆賊攻守不能得今山南有大嶧名曰郗公嶧山北有絕巖秦始皇觀禮於魯登嶧山之上命丞相李斯以大篆勒銘山嶺名曰書門詩所謂保有鳧繹者也

按太平御覽地部鄒山記曰鄒山古之嶧山也孤桐之所植邾文公之所卜山下是鄒縣本是邾國魯穆公改鄒山從邑變故謂鄒山嶧陽尤多桐樹

古今圖書集成
按地理通釋十道山川攷嶧山一名鄒山在兗州鄒縣南二十二里郡縣志秦始皇觀禮于魯刻石於嶧山禹貢嶧陽孤桐詩保有鳧繹又太史公鄉射鄒嶧晉郗鑒避難嶧山後自嶧山奔下邳

按圖書編山東山攷嶧之爲山雖非名嶽巨鎮其洞府玲瓏巖竇崎峭千態萬狀他山之秀未必可竝道家所謂洞天此非其一歟導江張先生題嶧山詩云淮堧有葛繹其陽孤桐生地裡殊迴隔山名難混并蓋謂此山去今徐地遠非禹貢所載嶧陽孤桐之山

也竊嘗考之書曰海岱及淮惟徐州詩闕宮云保有鳧繹奄有龜蒙遂荒徐宅春秋文公十三年杜預注云嶧山在鄒縣北今山之西南有村曰故縣疑其爲古鄒縣也唐杜佑通典云故鄒國城在縣東南周圍四十里上冠峯巒下屬巖壑窮險勝景有鄒嶧山宋逸齋王氏詩補傳云鳧繹二山皆徐國之地繹與嶧同李迂仲詩解曰保有鳧繹之繹卽禹貢所謂嶧陽也陳大猷書解旁註薛氏云嶧山在襲慶府鄒縣此山殆無土壤故山陽孤桐可貴程氏春秋分記嶧山

古今圖書集成
在鄒縣東南三十里高秀獨出

按山東通志山川嶧山在兗州府鄒縣東南二十五里書所謂嶧陽孤桐者也峰巒秀特洞窟玲瓏石間孔穴相通謂之嶧孔避亂入嶧外寇雖衆無所施害秦始皇刻石頌德嘗登此山今名其刻石處曰書門按兗州府志山川嶧山在鄒縣東南二十五里宋時封其山爲靈巖侯明改封嶧山之神有司常以十月十五日祭之山南爲大通巖巖下石洞弘敞爲孔子坐像巖上爲妙光洞山左爲東華宮又上爲白雲宮

宮後有白雲洞洞上爲五花峯以洞穴穿入上得峰頂紀子墓在焉山下爲孤桐寺洞穴甚多不可勝紀山南爲故鄒國城所謂邾遷於嶧也俗謂之紀王城由嶧山而北爲牙山大小相錯狀如犬牙去縣二十里許牙山之北有小丘山俗謂之高皇埠又北爲唐口山去縣十五里又北爲輿山狀如兩車相接去縣五里縣之東南若此山者以十餘數皆絡繹相銜狀如貫珠以達於嶧若其扈從云

按鄒縣志山川嶧山縣東南距城二十里一名鄒嶧

古今圖書集成
山爲別於邳之葛嶧山也孟子謂孔子登東山卽此山晉郝鑒避難其中又曰郝公嶧山周圍二十餘里自麓至巔計八里許高秀特出無土壤怪石萬疊絡繹如絲故名繹焉山多孔穴俗謂之嶧孔其最高中峰爲五華峰東峰爲冠子石西峰爲大板石上下石洞最多玲瓏通達如出一洞又多泉水每東北風起同時湧漲不知所自來西南風則如故其中勝蹟佳境亭臺庵觀碑篆題咏不可勝紀真岱南一大奇觀也

自西麓盤路口上至五華峯頂共盤路四十三盤到頂

盤路口有蕎麥石虎皮石左龜石西簸箕石

南天門門上四字天成之險

臥虎石石上四字凌虛直上

試劒石石中分形如劒劈相傳祖師試劒石

八卦石大石八塊俗傳伏羲畫卦處

玉帝洞在山腰雕玉石爲像帝座下有深孔俗謂之海眼

古今圖書集成
玉帝殿

萬年松在玉帝殿左

聖水井在殿右千人飲之不竭

飛昇臺昔遠塵子飛昇處

姚真人墓真人遠塵子師

北望思親石在關殿後

白雲洞洞前有白雲宮

朝天泉在閣下玉帝洞後大石一塊凌空旁掛下可
行人上貯泉水不竭不涸

五華峰山之絕頂有石矗天上勒五華峰三字

居龍洞甚低小下一洞形亦如之石上勒四字不敢
不謁乃登峰路也

探海石上豐下銳如探頭狀最高險天氣晴時隱見
東海

車網石如車輪狀

仙人棋跡五華峰頂石有棋跡

紀王東倉寬十步許

紀王墓

古今圖書集成
紀王西倉在墓西寬五十餘步

自五華峰迤東至爐丹峪

萬壽宮在山之東二里餘

一線天 長廊碧 掛線石

冠子石係山之東峰高次五華俗傳孔子登東山小魯處狀如婦人冠故名

仙人棚在冠子石下一平石狀如棚大二畝有餘下卽仙人洞

石鼓洞其狀如鼓以石擊之鏗然有聲

蓮花池在洞下

一鑑亭王一楨建

金魚池內有金魚在山腰上立石碑刻玉井分香四字

隱仙洞洞前天齊洞往東花花桃園

徐八寨洞在隱仙洞東一里

爐丹峪有老君殿相傳老子煉丹處

白爐丹峪迤西至梁祝洞

大通巖巖刻大通二字因其洞石通明中正故名下

古今圖書集成
有顏子洞內立至聖先師四字碑

源頭活水有泉一穴經年不枯從一石龍口噴出上

古碑六字天下第一名山

孤桐觀卽禹貢嶧陽孤桐處

逍遙亭胡繼先建今廢

妙光洞在觀後洞西有淨室庵觀音閣

天水池在閣後

彌陀庵左有碑內書秦始皇乘羊車登嶧山刻石名曰書門恐剝落無考故刻之以志古蹟萬曆己丑立

偃石亭在庵後

觀風亭在庵左王自謹建今廢

仰止亭在庵迤西胡繼先建今廢

凌高亭在觀風亭東胡繼先建今廢

盤龍洞其洞內有石鐘

嶧山神廟在太平興國寺左百步右有宋延祐封侯碑

紀王棚有真武像迤西卽盤路口

梁祝讀書洞石上勒此五字俗傳梁山伯祝英臺在

古今圖書集成
此讀書

自盤路口上西峰

門板石本山西峰俯於五華之右如門板狀

二郎宮在石下

混元洞在宮下

大船石石上刻四字如舟接渡

金仙庵在混元洞北

西華宮在洞東上有牛口石

東華宮 牛角峪俱在山西峯上

羽山部彙考

舜殛鯀之羽山

羽山在今山東兗州府郟城縣東北七十里書禹貢
蒙羽其藝及羽畎夏翟皆指此卽舜殛鯀之處有鯀
墓在焉

羽



山圖



古今圖書集成
考

按書經虞書舜典殛鯀于羽山傳蔡羽山東裔之山卽

徐之蒙羽其藝者

夏書禹貢蒙羽其藝傳蔡蒙羽二山名羽山地志在東

海郡祝其縣南今海州朐山縣也全大林氏曰羽山卽

殛鯀處王氏炎曰先蒙而後羽先高而後下也

羽畎夏翟傳蔡羽畎羽山之谷也夏翟雉具五色其羽

中旌旄者也曾氏曰山雉具五色出于羽山之畎則

其名山以羽者以此與

按山海經南山經堯光之山又東三百五十里曰羽

山其下多水其上多雨無草木多蝮蟲註今東海祝

其縣西南有羽山疑鯀所殛處

按漢書地理志東海郡祝其註禹貢羽山在南鯀所

殛

按後漢書郡國志東海郡祝其有羽山註殛鯀之山

杜預曰在縣西南博物記曰東北獨居山西南有淵

水卽羽泉也俗謂此山爲懲父山

按晉書地理志東海郡祝其註羽山在縣之西

古今圖書集成
按水經淮水注游水又北歷羽山西地理志曰羽山在祝其縣東南尚書曰堯時曰四岳得舜進十六族殛鯀于羽山是爲禱杙與驩兜三苗共工同其罪故世謂之四凶鯀旣死其神化爲黃熊入於羽淵是爲夏郊三代祀之故連山易曰有崇伯鯀伏於羽山之野者是也

按太平御覽地部羽山十道志曰羽潭一名羽池潭東有羽山又郡國志云鍾離洙城有羽泉殛鯀處其水恆清牛羊不飲

按山東通志山川羽山在兗州府鄒城縣東北七十里卽舜殛鯀處禹貢羽畎夏翟曾氏注云雉具五色出羽山又登州府城東南三十里亦有羽山之罌水發源於此寰宇記亦謂此爲殛鯀之山非也東海旣有羽山鯀廟矣此偶同名耳

按兗州府志山川羽山在鄒城縣東北七十里禹貢羽畎夏翟卽此山也山海經羽山註云在東海祝其縣西南卽舜殛鯀處上有二泉匯爲羽潭左傳子產云鯀殛羽山其神化爲黃熊入於羽淵王嘉云舜命


古今圖書集成
禹疏山導岳徧日月之下惟不踐羽山之地

大崑嶠山部彙考

麻姑修道之崑嶠山

山屬寧海州週環數百里峰巒秀拔與小崑嶠相連
上爲太白頂中有烟霞洞女仙麻姑于此上昇初名
姑餘後訛爲崑嶠至今因之幽巖勝境土人不能遍
歷也

大崑崙



登州府
寧海州

山圖



太伯頂

古今圖書集成
考

按寰宇記大崑崙山在寧海麻姑嘗修道於此又名

姑餘山

按此與明一統志俱作大崑崙山通志下俱作大崑崙山雖悉仍原本然依通志爲是

按明一統志山東登州府大崑崙山在寧海州東南

四十里與小崑崙連本名姑餘山後世訛名崑崙

按山東通志山川大崑崙山在登州府寧海州東南

四十里與小崑崙山連秀拔爲羣山之冠上有太白

頂中有煙霞洞本名姑餘山仙經云麻姑嘗於此修

道上昇餘跡尚存故名姑餘後世訛爲崑崙元史云

崑崙山丘處機與馬鈺譚處端劉處元王處一郝大

通孫不二同師重陽王真人於此

烟霞洞在大崑崙山金大定間有重陽王真人自關

西抵崑崙謂山前大姓于氏曰我嘗修煉此山烟霞

洞中盍往登焉于笑曰我世居此不聞有洞乃相與

求之果有洞洞口大書烟霞二字人多神異乃爲立

祠紀石焉

按登州府志山川大崑崙山在寧海州東南四十里

齊乘曰嶠夷岸海名山也秀拔爲羣山之冠仙經云

古今圖書集成
姑餘山麻姑於此修道上昇餘趾猶存故名姑餘後世以聲相類而訛爲崑嶮又有小崑嶮山與之相連宋政和六年封仙姑虛妙真人重和元年賜號顯異觀上有太白頂中有烟霞洞元丘處機等師事重陽王真人於此

烟霞洞在大崑嶮山上齊乘云關西王祖師修煉處也

按寧海州志山川大崑嶮山萬山疊起週圍八十餘里

姑餘山 語同府志

物產姑餘山有紫蕨黃精

十景崑嶮疊翠山之巒巖聳秀宛如擁髻堆螺

石洞烟霞崑嶮嶮山有洞洞內生烟有青霞縹緲之狀按文登縣志山川大崑嶮山在縣西六十里中多洞府碑碣週環數百里土人足跡不能遍一邑之勝地也一名姑餘山仙經云麻姑嘗於此修道上昇餘跡尚存故名

古蹟契遇庵在崑嶮山上其下卽東華宮馬丹陽愛


古今圖書集成
其風土清曠籍茅白玉臺下居焉

勞山部彙考

東海之勞山

山有二一曰大勞一曰小勞俱屬即墨縣高二十五里周八十里濱海一作牢一作嶗一作鰲寰宇記作牢盛秦始皇嘗登之以望蓬萊峯巒洞壑競秀爭奇上多名人題詠山頂有石層疊如樓臺曰華樓爲海上諸山之冠唐元宗改爲輔唐山以居道士王旻今仍名勞山

勞山圖



古今圖書集成
考

按後漢書郡國志琅邪國琅邪註有勞山

按隋書地理志東萊郡卽墨註有大勞山

按太平御覽齊魯諸山攷伏琛齊記曰祝其城南二十里有大勞山小勞山在海側晏謀齊記曰俗云太山自高不如東海勞卽此也

按三才圖會勞山圖考勞山在萊州府卽墨縣東南六十里濱海山有二其一高大曰大勞其一差小曰小勞齊記泰山雖言大不如東海勞逢萌歸自遼東

養志修道於此

按山東通志山川勞山在萊州府卽墨縣東南六十里濱海山有二其一高大曰大勞山其一差小曰小勞山二山相連高二十五里周圍八十里齊記曰泰山雖云高不如東海勞又名牢盛山寰宇記秦始皇登牢盛山望蓬萊是已相傳春秋時吳王夫差嘗登此得靈寶度人經

按萊州府志山川勞山在卽墨縣東南六十里濱海山有二其一高大曰大勞山其一差小曰小勞山二

古今圖書集成
山相連高二十五里周圍八十里寰宇記秦始皇登
牢盛山望蓬萊是已其上有迎仙峴清風嶺王喬峴
聚仙臺翠屏巖玉皇洞凌烟峴玉女盆虎嘯峰碧落
巖南天門松風口夕陽澗鳳凰峰黃石宮三標山鶴
山上苑獅子峰仙人橋猶龍洞龍眠石白龍洞華巖
洞下清宮張仙塔八仙墩明霞洞上清宮上宮寶珠
山聚仙宮巨峰龍門太清宮華陽洞白雲洞僧帽石
金剛峴諸勝

按卽墨縣志山川勞山有大勞小勞大勞山在縣治

東南六十餘里小勞山在縣治東南百里形勢連亘
羣山盤薄森嶂週迴百餘里名各不同亦槩稱爲勞
山

華樓在縣治南四十里自麓至巔十餘里山之巔有
石似樓臺故名華樓峴山上環石秀

闕

峰巒疊架又

總名華樓一名華表峰元尚書王思誠別爲十二景
各有題詠今以景名者不止十二撫臺汝南趙公問
俗卽墨取道勞山題石華樓之右置碑大書海上名
山第一

古今圖書集成
迎仙峴在華樓山腰有石如亭舊名接官亭鄒善改
今名

清風嶺在華樓之前

王喬峒在華樓之後

聚仙臺在華樓之左

翠屏巖在華樓之右玉皇洞之上天生白石如屏

仙巖在翠屏巖之上

玉皇洞在翠屏巖之下肖諸仙像於中

凌烟峒與王喬峒竝列峭拔壁立止有曲徑難躋攀

上有元劉使臣雲岳子墓相傳羽化于此

玉女盆在凌烟峒仙人祠九所此其一也

天門山天寶山在勞山之東皆有神祠遺址出寰宇

記

